




ISLAMSKA ZAJEDNICA BOŠNJAKA U ŠVEDSKOJ

Bošnjačka islamska zajednica Helsingborg



Članstvo u Islamskoj zajednici

0.7% putem poreza

... da opstanemo kao muslimani i Bošnjaci

Poštovani, esselamu alejkum!

Ovim putem obraćamo se vama Bošnjacima muslimanima koji živite i radite u Švedskoj, na području sjeverozapadne Skone koje gravitira gradu Helsingborgu. Obraćamo vam se sa pozivom da se učlanite u Islamsku zajednicu Bošnjaka u Švedskoj (IZBUŠ), džemat Helsingborg, i da se shodno vlastitim mogućnostima uključite u rad i aktivnosti našeg Džemata.

Rad i aktivnosti IZBUŠ-a pa tako i našeg Džemata su u skladu sa važećim zakonima Švedske i pravnim aktima Islamske zajednice BiH (IZ BiH) za rad džemata u dijaspori. IZBUŠ je jedinstvena Bošnjačka zajednica u svijetu u pogledu kvalitetne integracije i povjerenja kojeg imamo od švedskih vlasti. Mogućnost koju smo dobili od države Švedske da svoju članarinu IZ plaćamo putem poreza, dovoljan je dokaz da naša zajednica uživa veliki ugled i poštovanje, ali i dokaz da se temelji na zdravim i pozitivnim vrijednostima za čitavo društvo.

I u BiH i u dijaspori, mi Bošnjaci muslimani ostajemo dosljedni svojim tradicionalnim i univerzalnim moralnim, duhovnim i

civilizacijskim vrijednostima Islama, distanciramo se od svakog radikalizma i suprotstavljamo se svakom obliku nasilja. Nepravda, koja je nažalost uvijek prisutna u ovom nesavršenom svijetu, nikada i nigdje ne smije da nas navede na postupke koji mogu povećati nepravdu i zlo, kako drugima tako i nama samima.

Mi Bošnjaci muslimani imamo autentično povjesno iskustvo i identitet za čije očuvanje smo položili mnogo života i platili visoku cijenu. Takođe, mi baštinimo jedinstveni vjerski/islamski i evropski identitet i želimo da je ga dalje razvijamo u našem specifičnom kulturnom, društvenom i političkom kontekstu.

Mi Bošnjaci muslimani u dijaspori smo manjina i izloženi smo visokim rizici asimilacije i gubitka našeg identiteta u ovoj, a pogotovo u narednim generacijama. Pristupanjem IZBUŠ/džematu Helsingborg, ali i drugim udruženjima sa bošnjačkim predznakom, i doprinosom shodno vlastitim mogućnostima, doprinijećemo očuvanju našeg islamskog, evropskog identiteta i uspješnoj integraciji u švedsko društvo.



Koski-Mehmed pašina džamija u Mostaru iz 1617. godine, je jedna od najljepše ukrašenih džamija u BiH. Unutrašnjost džamije je autentična.

BIZ Helsingborg

Džemat u Helsingborgu osnovan je u decembru 2000. godine. Djelovanje i ustrojstvo organa IZ BiH, a samim tim i IZBUŠ /džemata u Helsingborgu, temelji se na Kur'an-i kerimu, sunnetu Muhammeda alejhi-s-selam, islamskoj tradiciji Bošnjaka kao i zahtjevima vremena u kome živimo.

Zašto članarina?

Izvori naše vjere, Kur'an i Sunnet, uče nas da trebamo biti aktivni pomagači i učvršćivači svog džemata/zajednice. Zajednicu su čuvali i svojim imetkom pomagali Poslanik, a.s., i njegovi ashabi, a zatim generacije poslije njih. Zajednicu su čuvali i u nju ulagali i naši djedovi i nene, naše majke i očevi. Oni su shvatili vrijednost islama, u najtežim vremenima očuvali vrijednost vjere i kroz Zajednicu tu vrijednost na nas prenijeli.

Islamska zajednica od svog osnivanja, kao i dan danas, institucionalno čuva vjerski i nacionalni identitet našeg naroda, čuva islamsku tradiciju Bošnjaka i tom zadatku ostala je dosljednija i u najtežim vremenima za naš narod. Smijemo li samo pomisliti šta bi bilo s našom vjerom da nije bilo mekte-


ba, džamija, medresa, imama, profesora...? Zato nam treba Zajednica koja će čuvati naše vrijednosti, a i mi nju trebamo čuvati i u nju ulagati. Očuvati i prenijeti vrijednosti naše vjere na našu djecu i buduće generacije je naš primarni zadatak.

Šta se finasira članarinom?


Iz sredstava koja se prikupe putem članarine Islamska zajednica organizira cjelokupni vjerski život. Vjerski život Zajednice se ispoljava kroz dnevne namaze, mektebsku nastavu, kurseve i predavanja za odrasle, omladinska sijela, tribine, velike godišnje programe, humanitarne aktivnosti i ostale sadržaje koji promoviraju vrijednost vjere, bosanskog jezika i našeg bošnjačkog i muslimanskog identiteta.

Mnogi Bošnjaci su u projektu poreske članarine prepoznali njegovu važnost i potrebu. Broj članova se iz godine u godinu povećava. To nam omogućava da imamo stalno zaposlenog imama, porast boja djece na mektebskoj nastavi, kao i jedno opšte poboljšanje sadržaja i kvaliteta svih aktivnosti Zajednice.

Tako, na primjer, 2013. godine pokrenuli-



Koski Mehmed pašina Džamija u Mostaru (1617), prozor pod dnevnim svjetlom.



Broj članova Bošnjačke islamske zajednice u Helsingborgu u periodu 2012.-2015.

smo fond za kupovinu objeta i različitim aktivnostima i promocijom do danas (august 2016.) prikupili smo 900.000 kruna.

Članarina nije, kao što to nažalost neki misle, ulaganje u smrt, naprotiv, članarina je ulaganje u život, kako dunjalučki, tako i ahiretski. Namazi, ezani, učenje Kur'ana, podučavanje djece i omladine islamu - bit će naša radost na Sudnjem danu i svjedočiće da smo ulagali u Zajednicu kako bi ona funkcionisala.

Članstvo u BIZ Helsingborg

Od trenutka dobijanja dozvole od Švedskih vlasti da IZBUŠ naplaćuje svoju članarinu putem poreza, naš džemat se od prvog dana priključio i podržao ovaj projekat. Pregled broja članova putem poreza je ilustriran na dijagramu na strani 3.

Kako mogu biti član? - Članom Islamske zajednice postaje se potpisivanjem pristupnice koju možete dobiti u džematu ili preuzeti na stranici www.izb.se/članarina/pristupnica.

Je li članstvo individualno ili porodično? - Članstvo je individualno i samo punoljetne osobe mogu potpisati pristupnicu. Maloljetna djeca postaju punopravni članovi potpisivanjem pristupnice jednog od roditelja.

Kako i koliko se plaća članarina? - Članarina se plaća putem Porezne uprave (Skatteverket) kroz naplatu poreza. Visina članarine iznosi 0,7% od ukupne godišnje bruto zarade i ilustrovana je u tabeli:

<i>Bruto godišnji prihod (kr)</i>	<i>Godišnja članarina (kr) (preliminarno)</i>
100.000	490
200.000	1200
300.000	2000
400.000	2800

Potpisuju li pristupnicu studenti, penzioneri i nezaposleni? - Da, svi potpisuju pristupnicu. Članovi koji nemaju prihoda za oporezivanje plaćat će članarinu u iznosu od 365 kruna godišnje na principu dobrovoljnosti. Članarinu mogu uplatiti u prostorijama Džemata ili na PG 1191469-4.

Želim biti član, ali radim u nekoj drugoj državi? - Osobe na radu u čiji prihod se ne oporezuje u Švedskoj, uplatiće na račun Džemata 0,7 % od ukupnog prihoda za proteklu godinu.

Kad mogu potpisati pristupnicu i postati član? - Da bi bili član od 1. januara naredne godine, pristupnicu trebata potpisati do 31. oktobra tekuće godine.

Koje su pogodnosti za članove Islamske zajednice? - Za članove IZ su besplatne sve vjerske usluge: učenje pri rođenju djeteta (akika), dova za sunnetluk, ikrar (hadžijska) dova, vjenčanje, dova pri useljenju u kuću/stan, mevlud i tevhid, kao i iznajmljivanje prostorija mesdžida. Prilikom dženaza, osim troškova porodice umrlog prema pogrebnoj firmi, sve vjerske usluge Džemata su besplatne (pomoć u organizaciji dženaze, ćefini, kupanje (gasul) i klanjanje dženaze).

Bošnjačka islamska zajednica u Helsingborgu Bosnjakiska islamiska Församlingen i Helsingborg

Adresa: Bjäregatan 10
252 48 Helsingborg
E-mejl: helsingborg@izb.se

Telefon: 076 938 33 31 / 042 457 27 30
PlusGiro: 1191469-4, Swish: 123 268 06 19
Facebook: Džemat Helsingborg